

## M195: Windberger Psalter

- 1,0 dirre eriste salmo uone diu den brief nihene hat . wande houbete unserem  
heilaeri deme herren uone demo erledichliche gesaget ist nih ne solte fure  
gesezcit werden . so lanch in selben dinge allere geste wesen ein aneenge .
- 1,1 ein saliger man . der nihne hine fuor in deme rate der unguoten . unde an  
dem wege dere suntaere nihne stuont . vnde uf deme stuole dere suhtluome  
nihne saz
- 1,2 halt in der ewe des herren wille sin . unde in der ewe siner ahtet er tach  
iouh naht .
- 1,3 vnde wisit also daz holz daz gephlancit ist bi den niderfluzzen dere wazzere  
daz wuocher sinen gibit in zite sinem vnde blat . oder loub sin nihne  
zefliuzzet . oder abe ne vallet . unde elliu suelihu er tuot werdent  
geframsputiget
- 1,4 Niht so die unguote niht so halt also der molte den wirfit der wint uone  
dem antluzce der erde .
- 1,5 Vone diu nihne erstent die unguote an dem urteile . oder an dem gerihte  
noh die suntaere an dem rate der rehten .
- 1,6 Wande erchennet der herro den wech der rehten unde daz geuerte der  
unguoten wirdit uerlorn .
- 2,1 war umbe ergremten . die diete . unte die liute ahtente oder dahten sint  
dei upigen oder iteliu .
- 2,2 zuo stuonten die chunige der erde unte die fursten zesamene chomen in ein  
wider den herren unte wider christ sinen
- 2,3 “zebreche wir gebente ire unte ferwerfe wir fon uns ioch ir selber”
- 2,4 der der buet in den himilen bespottet sie unte got behuhet sie
- 2,5 denne choset er zuo z in in zorne sinem unte in heizmuote sineme getrubet  
er sie
- 2,6 “Ih aue gesezit bin chunich fon imo uber berch den heiligen sinen  
bredienter gebot sin .”
- 2,7 unser herre chot ze mir . sun min bis tu ich hiute gebar dich .
- 2,8 nu bitte fone mir . unte ih gibe dir die diete erbe din unte di bisezede dine  
die gemerche der erde .
- 2,9 du gerihtes sie in der isininen gerte . also daz uaz der dachen zebrichet du  
sie
- 2,10 unte nu ir chunige ferstet iuh . geleret werdet ir derteilt die erde
- 2,11 dienet dem herren in der forhte . unde schrechit imo mit der bibenunge
- 2,12 Geuahet oder begriffet die lirnunge . daz ettewenne iecht erzurne der herre  
unde ir uerlon werdet vone wege deme rehten .

- 2,13 Suenne so erbrinnit in churzem zorne sinem . salige alle die der getriwent  
an imo
- 2,13a zebrih herro dei gebente sunten unserre daz dem iochte dien%stes dines in  
gebunte wir megen mit forhten unde ewirdicheite dire herren gote unserem  
dienen
- 3,1 fluhe uon dem antluzze sunes sinem .
- 3,2 Herro waz gemanichfaltit sint die me manige uf stent wider mih .
- 3,3 Manige sprechent ze sele miner “nihne ist heil deme selbem in gote sineme  
.”
- 3,4 du aue herro enphahaer min du bis guotliche min unde erheunter houbet  
min
- 3,5 Mit stimme miner ze dem herren rief ih unde er erhorte mih uone berge  
heiligen sinem
- 3,6 Ih slief unde entsuebet was . unde stuont uf wande der herro enphie mih
- 3,7 Nihne furhte ih dei durent liutes . umbegebentis mih stande uf herro heil  
mih tuo got der min
- 3,8 Wande du erslagen hast alle widerwentente mir ane sache zene der suntaere  
hast du zemulit .
- 3,9 des herren ist daz heil unde uber liut dinen wihe oder segen din
- 3,9a Vz schute herro segenunge oder wihe dine uber liut dinen daz mit diner  
urstende wir geuestenete nihne furhten uone dere widerwententen achuste  
oder lastere der ubile umbegeben werden .
- 4,1 an den ente in den sangen
- 4,2 do ih ane rieffe oder in ladete . do erhorte mih got rehtes mines in dem  
trubesele oder in den noten gewites du mir Erbarme diu min unde erhore  
gebete mine
- 4,3 Ir chint der mennicken unz ware oder wie lange birt ir mit suaerem herzen  
. zuo wiu liebet ir die uppicheit unde suochit ir die luge
- 4,4 Vnde wizzet wande gewunderlicht hat der herre heiligen den sinen . der  
herro erhoret mih noh suenne ih ruoffe zuo ze imo .
- 4,5 Erzurnet unde ne wellet sunten . dei ir sprechet in herzen iuweren unde in  
gadmlinen iuweren werdet gestunget .
- 4,6 Opheret daz opher des rehtes unde gedinget oder [...] [...] ane dem herren .  
manige sprechent “wer zeigt uns dei guoten”
- 4,7 Gezeichinit ist uber unsih daz lieth antluzces dines herro du hast gegeben  
froude in herzen mineme
- 4,8 Uone dem wuchere weizes . wines . unde oles ire si gemanichualtet sint .
- 4,9 In fride in iz selbe so slaffe ih noh unde ruowe noh
- 4,10 Wande du herro sunderliche oder einliche in gedinge hast du gesezcit mih
- 4,10a Erhore unsih herro in trubesalen . in muen unseren genade uns unde du  
der eine gemichlit . geloubet wirdis in den liuten geistliche froude gib in  
dem gedingen dere chumftigen gebe den gesazten
- 5,1 An den ente fure die diu daz erbe gewinnit
- 5,2 Wort miniu mit den oren enphah herro uernim ruof minen
- 5,3 Ane denche dere stimme gebetes mines chunich min unde got min

- 5,4 Wande zuoze dir bete herro frue erhoes du stimme mine  
 5,5 Morgenes frue zuo sten ih dir unde gesihe wande niht got wellenter die unrehticheit du bis  
 5,6 Noh ne buwet bi dir der ubilwillige noh ne uolwonent die unrehten uore ougen dinen  
 5,7 du hazzites alle die der wurchent daz unreht du uerliusist alle die der redent die luge Den man der bluote unde den unchustigen uerwazzet der herro  
 5,8 ih aue in der menige barmherce diner So in gen ih in hus din ih ane bete ze sale heiligen dinem in forhten diner  
 5,9 Herro beleite mih in rehte dinem durh uiante mine gerihte in bescowede diner wech minen  
 5,10 Wande nihne ist in munde ire diu warheit herce ire uppich ist  
 5,11 Ein grab offenez . giwentez ist chela ire zungen mit ire unchustichliche sprachen si . erteile sie got Si geuallen uone gedanchen ire nah der menige unguote ire . uertrib sie wande si reizten . zeneten dih herro  
 5,12 Ut gefrowet werden alle die der gedingent an dih . z en ewen iemmer frowent si sih unde buwest du in in Vnde guotlichent in dir alle die der minnent namen dinen  
 5,13 wande du wole sprichis dem rehten Herro also mit einem schilte guotes willen dines hast du geeret gezieret . gecoronet unsih  
 5,13a Guot herro du der des fernozzen hercen suofter e denne er fure braht werde uerstes . uernimis gemache unsih bite wir einen sal des trostaeres daz wir garnen mit dem schilte der himiliken wolewillicheite gezieret werden  
  
 6,1 An den ente in den loben umbe die ahtoden  
 6,2 Herro daz du iht in heizmuote dinem . in tobeheite . in wuote berefset mih noh in zorne dinem begriphest mih  
 6,3 Erbarmede dih min herro wande ih unchreftich bin gesunte mih herro wande zesamene getrubent sint gebeine miniu  
 6,4 Unde sela min getruobet ist harte unde du herro unze ware .  
 6,5 Wirt becheret herro unde errette sele mine heil mih tuo durh die barmherce dine  
 6,6 Wande nihne ist in dem tode der gehuctich si din in der helle aue wer begihit . saget lob dir  
 6,7 Ih arbeitte in sufte minem ih wasche durh sunterliche . iegeliche naht bette min mit zaheren minen strowe mine ih gefuhte . ih nezce  
 6,8 Getruobit ist uone heizmuote ouge min ih bin eraltet unter allen uianten minen  
 6,9 Entwichtet uone mir alle ir der wurchit die unrehticheit wande hat erhoret der herro die stimme weinnes mines  
 6,10 Hat erhoret der herro flege . dige . bete . mine der herro gebet min hat enphangen  
 6,11 Nu erschamen sih unde werden getruobit hefticliche gahlichen alle uiante mine werden becheret unde erschamen sih harte slunige  
 6,11a Erhoraer allere got erhore unserre chlage . weinen stimme unde gib unchreften . sihtuomen unseren die ewigen gesuntheit daz so wirdichliche den suftot unserre arbeite du enphahes . mit diner unsih ie unde ie allezane barmherce . gnade . getrostes

- 7,1 Der salme dauidis den er sanch deme herren umbe dei wort sunes  
7,2 Herro got min an diu gewarte ih heil mih tuo uon allen den ahtenten .  
uarenten mih unde erlose mih  
7,3 daz der iht ettewene zuche also ein leu sele mine so nihne ist der sie erledige  
noh der mih heil tuo  
7,4 Herro got min ob ih getan han dizce ob diu unrehticheit in hanten minen .  
7,5 Ob ih vergalt den widergeltenten mir ubiliu so geualle ih mit rehte uone  
uianten minen iteler  
7,6 So aehte . so uaere . der uiant sele mine unde geuahe sie . begriffe sie .  
unde uertrete an der erde lib minen . unde guotliche mine in den molten  
beleite  
7,7 Stant uf herro in zorne dinem . unde wirt erhohet in den gemerchen uiante  
miner Unde stant uf herro got min in dem gebote daz du geboten hast .  
7,8 unde diu samenunge dere liute umbegibit diu Vnde durh sie in die hohe  
widere geinch  
7,9 der herro erteilet die liute Erteile mih herro nah rehte minem unde nah  
unsculde miner uber mih  
7,10 Uerentet werde Volebraht werde diu ubile der suntare unde du gerihtes den  
rehten ersuochenter dei herce . unde die lanchen got  
7,11 Reht helfe min uone dem herren der heil tuot die rehten in herce  
7,12 Got rihtare rehter . stacher unde gedultiger n erbalget er sih . erzurnit er  
durh iegesliche tage .  
7,13 Ir ne becheret werdet suert sin erweget . ersuingit . bogen sinen hat er  
gespannen . unde hat gemacht in  
7,14 Vnde an imo hat er gemacht dei vaz des todes . strale . geschoz sine den  
brinnten hat er gemacht .  
7,15 sehenu er suangeret daz unreht unde enphie daz ser unde gebar daz unreht  
7,16 den se tet er uf unde uz gruob in unde in geuiel er in die gruobe die er  
machete  
7,17 Bechert wirdit daz ser sin uf houbet sin unde an die scheitilen sin selbes  
unreht sin nider uert  
7,18 Ih fergihe deme herro nah rehte sinem unde ih salmsinge deme namen  
herren des hohisten  
7,18a Ersuochaere dere hercen got erlose unsih unde gib uns in diner bitunge  
. wartunge urteiles . gerihtes ueste huote des muotes daz wir nihne wider  
gelten . wider lonen uianten unseren ubiliu wider fure den ubilen
- 8,1 An den ente fure dei winthus salmo dauidis .  
8,2 o Herro herro unser wie wunderlih ist namen din in aller der erde Wande  
uf erhaben ist michilliche . herschaft . din uber die himile  
8,3 Vz dem munde der unsprechenten chinde unde der sugenten uoltaeti du  
daz lob durh uiante dine daz du zestores den uiant unde den rechaere  
8,4 Wande ih gesihe himile dine dei werh uingere diner die maninne unde die  
sternen dei du hast gruntfestet  
8,5 Waz ist der mennisk daz du gehuctich bis sin oder der sun des mennicken  
wande du wieses sin

- 8,6 Du hast geminneret in ein luzcel minner uon den engilun in guotliche unde  
in der ere hast du coronet in  
8,7 unde hast gesezct in uber dei werch hante dinere  
8,8 Elliu dinch hast du unterworfen unter fuozzen sinen scaf unde rinder alle  
dare ubere iouh dei uihe des feldes  
8,9 die uogele des himiles unde die uiske des meres die der durhgent .  
durhwallent die stige des meres  
8,10 Owi herro herro unser wie wunderlih ist name din in ein gecheret in aller  
der erde  
8,10a Wunderlichen namen dinen herro almahziger . alwaltenter digeliche  
. flegliche erbite wir daz du der alle gescaft dere werlte ze dem  
des menniken untetan hast unsih zuo dines dienstes ambaete wirdige  
gewerdes geruoches gemacht
- 9,1 An den ente fure die getougene uerholenne des sunes . salme  
9,2 Ih fergihe dir herro in allem hercen minem . ih zehe . ih sage elliu wunter  
diniu  
9,3 Ih wurde gefrowit unde screcho in dir . ih salmsinge namen dinem owi du  
hohiste  
9,4 An becherende . uiant minen zeruke . hinter sih . si werdent unchreftich .  
si siechent unde werdent uerlorn uone antluzce dinem  
9,5 Wande du getan hast urteile . gerihte min unde sache mine du bis gesezzen  
uffen den stuol du der erteilis . rihtes daz reht  
9,6 Du rafstes die diete unde ist uerlorn der unguote namen ire uertilgetes z en  
ewen iemmer unde in die werlt dere werlte . daz ist gesprochen ze unente .  
9,7 des uiantes sint erworden dei suert an den ente unde die burge . hast du  
zerstoret Ist uerlorn gehuct ire mit dem lute  
9,8 unde der herro z en ewen uolewonet Er hat gegaerwet in dem gerihte stuol  
sinen  
9,9 unde er selbe erteilet den umberinch der erde in der ebene . in dem rehte .  
er rihtet die liute in der rehtunge  
9,10 Vnde worden ist der herro ein zuoffuht dem armen . ein helfaere in den  
gezimelichen . geuellichlichen . in dem tribesale . in der note  
9,11 Unde uerschen sih ane diu die erchennent namen dinen wande du niht  
uerlazzen ne has die suochente diu herro  
9,12 Salmsinget dem herren der der buwet uf der uvarde chundet unter den  
dieten flizze sine  
9,13 Wande er suochenter bluot ire erhuget ist . nih ne hat er uergezzen den  
ruof der armen  
9,14 Erbarme diu min herro . sih diemuote mine uone uianten minen .  
9,15 Du der gehohes mih uone den porten des todes . daz ih gehunde . bridige  
alle lobunge dine an den porten der tochter sion  
9,16 Ih springe uf in heilsame dinem . inne gestechet sint die diete in dem  
uerlore den si gemachet habent In striche disem den si burgen geuangen  
ist fuoz ire .  
9,17 Wirdit erchennet der herro dei gerihte . dei urteile tuonter an den werchen  
hante sinere geuangen . begriffen ist der suntaere  
9,18 Becheret werden die suntaere in die helle alle die diete die uergezzent got

- 9,19 Wande niht an den ente agezle wisit des armen diu gedult der armen nihene  
wirdit uerlorn an den ente
- 9,20 Stant uf herro nihne werde gesterchet der man erteilet werden die diete in  
bescowede diner
- 9,21 Gesezce herro den ewe fuoraere . der ewe meister uber sie daz wizzen die  
diete wande si mennicken sint
- 9,22 Umbe waz . herro bis du furder gegangen uerrene du uersmahes . du  
uerscoves . in den geuellichlichen . in dem tribesale .
- 9,23 So bermuotet der unguote so wirdit enzuntet der arme si werdent  
geungen in den raeten in den si denchent
- 9,24 Wande gelobet wirt der suntaere in den girden sele siner . unde der unrehte  
wole gesaget wirt
- 9,25 Gebitteret den herren der suntaere nah der menige zornes sines nihne  
suochit er
- 9,26 Nihne ist got in gesichte . in bescowede siner geunreinit . bewollen sint  
wege sine in alleme cite Werdent dane genomen gerihte diniu uone antluzce  
sinem allere uiante siner herset er
- 9,27 Er sprach ze ware in hercen sinem “nihne werde ih bewegt uone  
chunnescefte in die chunnescaft ane ubil”
- 9,28 des ubelreden . ubelsprache munt uol ist unde bittere unde unchuste . unter  
zungen siner arbeite . muo . unde ser
- 9,29 Er sizcit in den lagen mit den richen in den getougenen daz er erslahe den  
unsculdigen
- 9,30 Ougen siniu an den armen scowent er laget in dem uerborgenne also ein leu  
in hole . luoge sineme Er laget daz er zuche . becriphe den armen . zuchen  
den armen so er zuo ziuhet inen
- 9,31 In striche sinem genideret . gediemuotet er . inen er geneiget . sih unde  
uallat so er hersente wirdit der armen
- 9,32 Er sprach ze ware in hercen sinem . “uergezzen hat got er hat dane gecheret  
antluzce sin . daz er iht sehe an den ente”
- 9,33 Stant uf herro got unde gehohet werde hant din . daz du iht uergezzes der  
armun
- 9,34 durh waz reizcit . zenet der unguote . got er sprach ze ware in hercen sinem  
 . “nihne eruorsket er”
- 9,35 du sihes . wande du die arbeite unde daz ser bescowes . war nimis . daz du  
gebess sie in hente dine Dir uerlazzen ist der arme . dem weisen du wisis  
helfaere
- 9,36 zemule . uerchnuse arm des suntaeres unde des ubilwilligen . gesuochet  
wirdit sunte sin unde niht wirdit erfunden
- 9,37 Der herro richiset z en ewen . iemmer unde in die werlt der werlte . werdet  
uerlorn o . ir diete uon erde siner
- 9,38 Giride der armun erhorte der herro die garwunge . uorgrehtunge hercen  
ire horte ore din
- 9,39 Rihten . erteilen dem weisen unde dem diemuetigen daz nihne zuo lege  
furder michillichen sih der menniske uber die erde oder uf der erde .

- 9,39a Urgihte unserre gnadich ore din got gnadiger tuo uf du der gedingente  
ane dih nie ne spulgetes uerlazzen daz wir gehohete uone den borten todes  
des ewigen wir megen heile des bechorares . besuochares . uerholenne  
getougene lage enphliehen . entrinnen .
- 10,2 An dem herren getriwe ih wie . ze welher wis sprechet ir sele miner uberuare  
an den berch also der sperlinch
- 10,3 Wande sehnu die suntare haben erdenet . habent gespannen den bogen  
habent gemacht scoz . strale ire in den chochare daz si schiezzen in der  
tunchele die rehten in dem hercen
- 10,4 Wande dei du uoltaeti si zestoerten der rehte aue waz hat getan
- 10,5 Der herro in sale heiligen sinem . der herro in dem himile sedel sin Ougen  
siniu an den armen schowent ougbra sine fragent dei chint der liute
- 10,6 Der herro fraget den rehten unde den unguoten . der aue liebet . minnit  
daz unreht der hazzet sele sine
- 10,7 Er reginet uber die suntaere die striche fiur suebel unde der geist der gewelle  
teil cheliches . scenche . bechaeres ire
- 10,8 Wande der rehte herro dei reht minnete . liebte . die rihtunge sah antluzce  
sin
- 10,8a Gerihte ougen guote diner uber die diemuoten armuote unserre o  
almachtiger herro unde umbegib uns der glouben gewaffen . daz uon der  
unrechte schozzen wir errette . wir megen ebenunge unde reht behuoten
- 11,2 Heilen mih tuo herro wande zegangen ist der heilige . wande geminneret  
sint die warheite uon den chinden der liute
- 11,3 Vppigiu habent geredet ein ieglicher ze nahistem sinem lefse unchustfalle  
in hercen unde hercen habent
- 11,4 zespreite . zefuore der herro alle lefse unchustuolle zungen die michilredige
- 11,5 Die der sprachen “zungen unsere gemache wir groz . michil gemache wir .  
lefse unsere uone uns sint . wer unser herro ist”
- 11,6 “durh die wenicheit der unstatehaften der helflosen unde den suoftot der  
armun nu sten ih uf” sprichit der herro “Ih gesezce iz in heile baltliche ih  
tuon in ime”
- 11,7 dei gespraeches des herren sint gespraeches chuskiu . silber sint si in dem  
fiure erliutertez bewartez erfurbtez sibenualt
- 11,8 Du herro behaltes unsih unde behuotes unsih uone chunnescefte dirre z en  
ewen iemmer
- 11,9 In der umbeuerte die unguoten gent . nah hohe . herscefte diner has du  
gemanichualtet chint der liute
- 11,9a Gnade brodicheite unserre heiligister uater unde uerlihe uns gespraeches  
diniu in luterem hercen behaben daz wir megen manichredigen . die  
uerchallen unchusticheit der wuotenten uermiden . entwichen .
- 12,1 Unze ware herro uergizzis du min an den ente unze ware dane cheres du  
antluzce din uone mir
- 12,2 Wie lange sezce ih die raete in sele miner daz ser . leit . in hercen minem  
uber tach
- 12,3 Unze ware wirdit gehohet uiant min uber mih

- 12,4 ersih unde erhore mih herro . got min Erliuhte ougen miniu daz iht iemmer  
ih entslaffe in dem tode
- 12,5 daz iht etwenne spreche uiant min “ih ubermohete wider in” die dreskent .  
muont mih die frowent sih ob ih geweget wurde
- 12,6 ih aue ane barmherce diner gewartte . uersah mih . Sih frowete herce min  
in heile dinem . ih singe noh dem herren der guotiu gab . oder gibit mir  
unde salmsinge namen des herren hohisten
- 12,6a daz du iht dane cheres antluzce din uone uns o almahtiger got . daz iht  
uiante unsere gehohet werden wider uns halt so herce unser heiles dines  
froude durhgiuz daz du tuos unsih den slaf des anderen todes enphliehen
- 13,1 Sprah der unwise in hercen sinem “nihne ist got” Verwertet sint si unde  
uerwazzenlih getan sint si in flizzen ire . nihne ist der der tuo guot nihne  
ist unze an einen
- 13,2 Der herro uone himile schowete uber dei chint der liute daz er gesehe ob  
ist entstenter . uernementer oder suochenter got
- 13,3 Alle sint si geneigit ensamet unnuzlih si getan sint nihne ist der der tuo  
guot nihne ist unze an einen Ein grab offen . giwentez . ist chela ire mit  
zungen ire unchustichliche sprachen si . eiter der nateren unter lefsen ire  
dere munt dem ubelspraeche unde bittere uol ist . gezale . slunige fuozze  
ire zuo uz ce giezzene . daz bluot zemulide . uermuskide unde unsaelde an  
wegen ire unde den wech des frides nihne erchante si nihne ist diu uorhte  
gotes uore ougen ire
- 13,4 Oder nihne erchennent alle die der wurchent daz unreht die der frezzent  
uolch min also ein ezzen des brotes .
- 13,5 den herren si nihne ladeten . niht ane rieffen . da bibenten si da citreten si  
mit uorhten da nihne was uorhte
- 13,6 Wande der herro in der chunneschefte rehten ist rat des armen geschantte  
ir . gehontte ir wande der herro gedinge . zuouersiht sin ist
- 13,7 Wer gibit uon der warte heilsame suenne abe cheret der herro die biuengide  
. die uerheride uolches sines so screchit iacob unde frowet sih israhel
- 13,7a Geruoche herro uone himile heiligen dinem scowen ersehen uber die  
sune der liute unde gib uns erchennen den wech des frides . daz der  
widerwartigen achuste . uanchnusside uertribener . uone gestozzener dere  
himiliken fridegesune herbergen wir unsih nieten
- 14,1 Owi herro wer buwet in gecelte dinem . oder wer ruowet uf berge heiligen  
dinem .
- 14,2 der in get ane meile unde wurchet daz reht
- 14,3 Der redet . choset sprichit die warheit in hercen sinem der der nihne tet  
unchust an zungen siner Noh ne tet nahistem sineme ubil unde daz itewiz  
nihne nam wider nahiste . sine
- 14,4 ze nihte beleitet . braht wart in gesichte . in bescowede siner der ubilwillige  
. die furhtenten aue den herren er eret Der der sueret nahistem sinem unde  
in nihne besuichet .
- 14,5 der schaz sinen nihne gab ze gesuoche unde die gebe uber die unsculdigen  
nihen nam . enphie . der tuot dei niht der ne wirt beweget z en ewen .

- 14,5a Verlih uns gnadigister got ane meile in gen chirchen dine unde uone chere unsih uone unchusten des nahisten ouh den gesuochen . daz so dei nah dinem gebote . wir behalten nihne wir werden beweget uon den nidigen wizzen z en ewen . iemmer
- 15,1 Behalt mih herro wande ih gewarte versihe ane dih .  
 15,2 ih sprah ze dem herren . “got min bis du wande guote miner du nihne bedarfes”  
 15,3 Den heiligen die der sint an der erde sinen hat er wunderhaftet alle willen mine an in  
 15,4 Gemanichualtet sint unchrefte ire nah diu geslunigten si iz Nihne gesamene ih zesamenechumftile ire uon den bluoten noh ne gehuctich wurde namen ire durh lefse mine  
 15,5 Der herro . s . ist teil herbes mines unde cheliches mines . du bis der wider sezces erbe min mir  
 15,6 Dei seil geuielen mir an den berhten . unde ze ware erbe mi mir  
 15,7 Ih wole spriche dem herren der der gibit mir uernunst dar ubere ouh unze ane die naht beraften mih lanchen mine  
 15,8 Ih uore besah den herren in bescowede miner ie unde ie . wande ze zeswen ist er mir daz ih ieht beweget werde  
 15,9 durh daz gefrowit ist herce min unde froute sih uf spranch zunge min dar ubere ouh fleisc min ruowet in gedingen .  
 15,10 Wande du nihne uerlaezzes sele mine in der helle noh ne gibis heiligen dinen gesehen die uerwertnusside . Chunde mir has du getan wege des libes . zuo erfulles du mih der froude mit antluzce dinem . die liebnusside an zeswen diner unze an den ente .  
 15,10a Behalt herro die gewartenten ane dih unde gemache willen dine mit uns daz wir berht gemachte bi der froude urstente diner wir garnen ze zeswen dinen mit heiligen allen geliebet werden
- 16,1 Erhore herro reht min ane denche dige . flege . bete . mine Mit den oren enphah gebet min niht in lefsen unchustuollen .  
 16,2 Vone antluzce dinem gerihte min fure ge ougen diniu sehen dei reht  
 16,3 Du has bewaeret herce min unde has gewiset sin nahtes mit fiure mih has du ersuochet . unde nihne ist erfunden in mir daz unreht  
 16,4 Daz der nihne choese . rede . munt min werh der liute durh dei wort lefse diner ih han behuotet wege die herten  
 16,5 Volmache genge mine in stigen dinen . daz niht beweget werden fuozspor miniu  
 16,6 Ih rief wande du erhorted mih got geneige ore din unde erhore wort miniu  
 16,7 Gewunderliche barmherce dine du der heil . tuos uersehente sih ane dih  
 16,8 Von den widerstenten zeswen diner behuote mih also den sehen des ougen Under dem scate uettache diner beschirme . bedече mih  
 16,9 uon dem antluzce dere unguoten die mih notigeten . Viante mine sele mine umbegaben  
 16,10 spint . ueizte ire besparten si munt ire redete . chosete . sprah die ubermuot  
 16,11 Nider werfente mih nu umbegaben si . habent umbegeben mih . ougen ire sazten si lenchen . neigen . brouchen . an die erde .

- 16,12 Si enphiengen mih also der leu garwer . grehter ze roube unde also daz welf  
des lewen buentez . wonentez in den uerborgenen
- 16,13 Stant uf herro fur chume in unde unterscuphe . uberwirf in errete . benim  
sele mine uone dem unguoten suert din
- 16,14 uon den uianten hente diner Herro uone den unmanigen luzcelen uon der  
erde teile . scheide sie in lebenne ire uone den uerborgennen dinen erfullet  
ist buh ire Gesattet sint si den chinden . unde liezzen . habent lazzen aleibe  
ire wenigliden ire
- 16,15 Ih aue in dem rehte erschine ih gesihte . bescowede diner . ih wurde gesatet  
so erschinet . so offen wirdit ere . guotliche din
- 16,15a Gechere herro ougen hercen unseres ze schowene . ze sehene dine gerihtes  
. urteiles warheite daz so hie fiure mit dem geistlichen bewaeret werden  
uon dinen z en ewen anesihten . bescoweden mit dem wuchere . des rehtes  
wir gasatet werden
- 17,2 Ih minne e dih herro sterche min
- 17,3 herro ueste min unde zuoffluht min unde erlosaere min Got min helfaere  
min unde ih gewarte an in Beschirmaere min unde horn heiles mines unde  
enphahaere min
- 17,4 Lobenter ih lade den herren unde uone uianten minen heil ih wurde
- 17,5 Vmbegeben habent mih dei ser des todes unde die bah des unrehtes habent  
getruobet . getruobten
- 17,6 dei ser dere helle umbegaben mih fureviengen . mih striche des todes
- 17,7 In tribesale . in noete miner ladete ih . an rief ih den herren unde ze gote  
minem ih rief Vnde er erhorte uone sale heiligen sinem
- 51,1 an den ente . diu uernunst dauidis . do der chom Doeck unde chundte  
Sauli unde sagete imo . “Ia chom Daid in daz hus Ahimelech”
- 51,3 waz guotliches du in der ovbile du der mahtich oder gualtich bist an dem  
oder mit unrehte .
- 51,4 allen den tach daz unreht dahte zunge din also daz scharsah wahse taeti du  
die unchust .
- 51,5 du liebtes . die ovbile uber die guotgerne die unrehticheit mere denne  
chosen die rehticheit .
- 51,6 du liebtes elliu diu wort der besturzunge o zunge unchustigiu .
- 51,7 durh dei got zestoeret dih an den ente uz roufet dih unde uz fuoret . uz  
fertiget dih uone gezelte uone hutte dinem . unde wurce dine uone der erde  
der lebenten
- 51,8 So gesehent die rehten unde furhtent unde uber in lachent . spottent . unde  
sprechent .
- 51,9 “sehenu der man der nihne sazte got helfaere sinen Halt er uersah sih in  
der menige rihtuome siner unde ubermahte sih in uppicheite siner”
- 51,10 Ih aue also ein oleboum wuocherlicher in deme huse gotes gewartte . uersah  
mih an der barmherce gotes z en ewen iemmer unde in die werlte . der  
werlte
- 51,11 Ih fergihe dir in die werlt wande du iz getan hast . unde ih erbite namen  
dinen wande iz guot ist in der beschowede . ze der gesihte . heiligen diner

- 52,1 An den ente fure den chor diu uernunst dauidis Gesprochen hat der unwise  
in hercen sinem . “nihne ist got”
- 52,2 Verwertet si sint unde uerwazzenlih si getan sint an den unrechten nihne ist  
der der tuo guot
- 52,3 Got uone himile schowete uber die sune dere mennicken daz er gesehe ob  
ist uerstenter . uernementer oder suochenter . uorskenter got
- 52,4 Alle hine geneigten si . dane cherten si insamet . unnuzce si getan worden  
sint . nihne ist der der tuo guot nihne ist unze an einen .
- 52,5 Oder ne wizen alle die der wurchent unrehticheit die der uersuelhent .  
frezzent volch . liut min also ein ezzen des brotes .
- 52,6 Got si nihne ladeten . ane rieffen da bibenten . da zitreten si . uone forthen  
da nihne was forhte Wande got cefuorte gebeine ire die den mennicken .  
den liuten lichen si geschentet sint wande got uersmahete sie
- 52,7 Wer gibit uone dem berge heiliche demo liute so der becheret . uerwantelet  
got die uerherede die uanchnuSSIDe uolches sines so uf schrechet der  
unterscuphaere . unde frowet sih der gotsehaere
- 52,7a Ersehenter uone himile heiligen dinem got gnadigister uater gelege .  
gesezce ein marh . ein cil unwihsheite unserre daz uone den egisen uppigen  
wir erratte . dir einemo uone der liutere des hercen gancen lichen . geuallen
- 53,1 An den ente in den sangen dere uernunste Dauid
- 53,2 do chomen die blunte unde sprachen ze Saul “sehenu Dauid uerborgen ist  
da mit uns”
- 53,3 Owi Got in namen dinem heil mih tuo . unde in tugente . in chrefte diner  
erloese mih
- 53,4 O got erhore gebet . rede min mit den oren enphah dei wort mundes mines
- 53,5 Wande die fromiden uf gestanden sint wider mir . unde die starchen  
suohten sele mine unde niht ne fure sazten got fure bescowede . gesichte  
ire
- 53,6 Sehenu greht got hilfit mir . unde der herro enphahaere ist sele miner
- 53,7 Dane chere dei ubil uianten minen . unde in warheite diner zefuore sie
- 53,8 Willichlichen ophere ih dir . unde uergihe namen dineme herro wande iz  
guot ist
- 53,9 Wande uone alleme tribesale . noten errattes du . uz zuhtes du mih unde  
uber uiante mine uerschowete . uersmahte ouge min
- 53,9a Heil mache herro . samenunge dine in dines namen bedechunge .  
beschirmunge getruwenten daz uersmahten den uianten . mit willichlicher  
dih urgihte . uergehunge michilliche
- 54,1 An den ente in den sangen dere vernunste
- 54,2 Erhore got rede gebete mine unde ne uersmahes dige flege mine
- 54,3 ane denche mir unde erhore mih Geunfrowet ih bin in [...] [...] miner . unde  
getruebet bin
- 54,4 uone stimme des uiantes . unde uone tribesale des suntares Wande  
gebroucht . geneigint sint ane uf mih dei unreht unde in zorne leitwentich  
waren si mir
- 54,5 Herce min getruebet ist in mir unde diu uorhte des todes geuiel uber mih

- 54,6 Vorhte unde bibenunge sint chomen uber mih unde habent bedechet mih  
die uinstere
- 54,7 Unde sprah ih . “wer gibit mir uedere also dere tuben . unde ih fluge unde  
geruowe”
- 54,8 Sehenu ih bin geuirnit fliehenter . unde wonete in der einode
- 54,9 Ih bitte . ih wartte den der heil mih tet uone wenichmuote . bluoge des  
geistes unde [...] [...]
- 54,10 Versturce . wirf nider herro teile . scheide zungen ire wande ih gesehen han  
unreht unde widersprache in der burge
- 54,11 Tach ioh naht umbegibit sie uf muren ire unrehticheit unde arbeite in  
mitten ire
- 54,12 unde unrehte Vnde nihne zegie . gebrast uone strazzen ire gesuoh . gewin  
unde unchust
- 54,13 Wande ob der uiant ubele gesprochen hiete . gefluochet mir ih hiet iz  
uertragen guisliche Vnde ob der der hazzete mih uber . uf mih michiliu  
. grozlichiu hebigiu geredet . gesprochen hiete . ih hiete geborgen mih  
mach scehen uone ime
- 54,14 Du ze ware man einmuotiger leittare min unde chunde min
- 54,15 du der insamit mite mir dei suozzen enphienge ezzen in dem huse gotes  
gienge wir mit gehengede .
- 54,16 Chome der tot uber sie unde nider stigen in die helle lebente Wande die  
ubile in herbergen ire in mitten ire
- 54,17 Ih aue ze gote rief unde der herro neret . heilit mih
- 54,18 Spate . in abent unde fruo in morgen unde ze mitteme tage sage ih . zele  
ih unde chunde ih unde er erhoret stimme mine .
- 54,19 Er erloset in fride sele mine uone den die der zuo naehent mir wande unter  
manigen was er mit mir
- 54,20 Erhoret got unde gediemuotet . genideret sie . der der ist uore den werlten  
Niht greht ist in diu wantelunge unde nihne uorhten si got
- 54,21 er erdenete . erstrahte hant sine in wider geltende wider lonende Si  
uermeinten . si unreinten uvizzentuom sinen
- 54,22 zeteilt sint si uone zorne antluzces sines . unde zuo nahete herce sin  
Geweichit sint rede . sage sine uber daz ole unde die selben sint gescoz
- 54,23 Wirf uf den herren ruoche . sorgen dine . unde er selbe dih erziuhit unde  
nihne gibit er z en ewen wanchilunge . zuiuilunge deme rehten .
- 54,24 du ze ware got beleittes sie in die buzce . gruobe des uerlores . unterganges  
. Die man dere bluete unde die unchustuolle nihne halbent . teilent tage  
ire ih aue gewarte . uersihe an dih herro
- 54,24a Heilant herro du der uor den werlten wonenter . wesenter unde fleisc  
. lih die mennisclichen enphahenter uone deme ungetriuwen iungere  
uermeldet den tot untergienge fure die uerlornen . erhore gebete dere  
digelichen fleglichen unde uerlih daz dih abendes spate morgenes . fruo  
unde ze mitteme tage wir lobente wir garnen uone dirre werlte ungewiteren  
bescirmet werden .
- 55,1 An den ente umbe den liut der uon den heiligen uerre getan ist des briueus  
anescribunge do behabeten inen

- 55,2 Erbarme diu min got wande trat . getreten hat mih der mennisk allen den  
tach ane uehtenter drasc er notigte er mih
- 55,3 zetraten . habent zetreten mih uiant mine . allen den tach wande manige  
. gnuoge s . sint uehtente . urluogente wider mih .
- 55,4 Uon der hoehe des tages ih furhte . ih ze ware an diu gewarte
- 55,5 In gote lobe ih rede mine an gote ih gewartte nihne furhte ih waz tuo mir  
daz fleisc .
- 55,6 Allen den tach wort miniu uerwazzenet wurden wider mir alle gedanche ire  
in ubil
- 55,7 Si ine buwent unde bergent si selbe fuoz minen behuotent Also si  
enthabeten sele mine
- 55,8 fure nihtu heil . gern tuos du sie in zorne die liute zebriches du Got
- 55,9 lib minen chundete ih dire du saztes zahere mine in gesichte . bescowede  
diner Also ouh in geheizze diner
- 55,10 so denne werdent becheret uiant mine hinter sih An suelhem tage ih lade  
. ih ane ruoffe diu . sehnu erchante ih wande got min du bis
- 55,11 In gote lobe ih daz wort in deme herren lobe ih die rede rede an gote gewarte  
ih nihne furhte ih waz tuo mir der menniske
- 55,12 Ine mir sint got antheizze dine die ih leiste lobunge dir
- 55,13 Wande du has errettet sele mine uone dem tode unde fuozze mine uone  
dem sliphe . daz ih liche uore gote in deme liehte dere lebenten
- 55,13a Wige dere ungesiunlichen der bezziste fureuehtaere du der an dir  
getriuwent uone den uianten berunet werden nihne uerhenges uz wiske  
dige wir uon ougen unseren dere sunte den zaher daz so daei fleischlichiu  
wich wir zesamene druchen lichen dir in deme liehte dere lebenten wir  
garnen
- 56,1 An den ente daz iht du zefuores an des briueus anescribunge do er fluhe  
uone antluzce saulis in daz luoch .
- 56,2 Gnade . erbarme diu min got erbarme diu min wande an diu getriuwet sela  
min Vnde an dem scate uettache dinere ih gewarte unze ueruare daz unreht
- 56,3 Ih ruoffe ze gote den hohisten got der wole tet . hat getan mir .
- 56,4 Er sante uone himile unde erlost mih . er gab in itewizze die uertretente  
mih . Sante got gnade sine unde warheite sine
- 56,5 unde erratte sele mine uone mitten welfere dere lewen da ih slief getruobter  
Chint dere liute zene ire . s . sint gewaffen unde strale unde zunge ire . s .  
ist suert ein wassez
- 56,6 Wirt gehohet uber die himile got . unde uber alle die erde . s . si ere .  
guotlih din
- 56,7 Einen strich macheten . garten si fuozzen minen unde si nider chrumbten  
. neigten . buchten sele mine Si gruoben fure antluzce min die gruobe unde  
in geuielen si in sie
- 56,8 Gegarwet herce min got gegarwet herce min ih singe unde den salmen  
spriche
- 56,9 Stand uf guotliche min stand uf saltaere unde harphe ih sten uf fore frue .  
in dem unterluchelinge
- 56,10 Ih fergihe dir in den liuten herro unde den salmen spriche ih dir in den  
dieten

- 56,11 Wande gemichillichet ist unze an die himile gnade . barmherce din unde  
unze an die wolchen warheit din
- 56,12 Wirt gehohet uber die himile got . unde uber alle die erde guotlih . ere din
- 56,12a Verfuore . uerwantele herro daz unreht hiwiscs des diemuotigen unter  
diner uetteche scaten gewartentere daz gesantere uone himile gnade .  
barmherce dine uone den wirsisten dere lage gruoben wir errettet werden
- 57,1 An den ente daz iht du zefuores an des brieues
- 57,2 Obe waerlichen guisliche daz reht ir redet rehte erteilet . rihtet ir chint dere  
liute
- 57,3 Vnde Greht in dem hercen unrehte ir wurchit an der erde unrehte hente  
iuwere zesamene fuogent
- 57,4 Enphromedet sint die suntaere uon der wambe si habent geirret uone dem  
buche . geredet habent si gelogeniu
- 57,5 Tobeheit Wuotih in s . ist nah der glihnussede des slangen . also nateren  
der touben unde ir beturnenter oren ire
- 57,6 diu der nihne erhoret die stimme der ane sprechenten unde des unholdares  
ane singentes wihsliche . charchliche
- 57,7 Got uermulit . zemusket zene in munde ir selbere die chinnebachen dere  
lewen zebrichit der herro
- 57,8 ze nihte bechoment si also daz wazzer uerloufente er erdenet . spannit  
bogen sinen unze si unchreftich werden . ersiechen .
- 57,9 Also daz wohs daz da zefluzzit werdent si uone genomen . uberuiel daz fiur  
unde nihne sahen si den sunnen
- 57,10 E denne enstuonten dorne iuwere die agleien also die lebenten also in zorne  
uersuilhet er sie
- 57,11 Frowet sih der rehte so er gesihet die rache hente sine duchet . waskit er in  
dem bluote des suntares
- 57,12 Vnde sprichit der mennisk . ob guisliche ist der wuocher deme rehten .  
guisliche ist got erteilinter sie an der erde
- 57,12a Rehtister herro uerlih liute dineme nah uolgen daz reht minnen . lieben  
rehtiu . daz iht uon warheite diner die gehorde er dane ckerenter . uone  
des eiterigen slangen bizzen er geserigit werde
- 58,1 An den ente daz iht du zefuores an des brieues anescribunge do sante der  
chunich unde behuote daz hus sin daz er ersluoge inen
- 58,2 Enzuche mih uone uianten minen got min . unde uone den uf steenten ane  
mih erloese mih
- 58,3 Enzuche mih uone den wurchenten daz unreht unde uone den mannen dere  
bluote heile . nere mih
- 58,4 Wande sehenu geuangen habent si sele mine . ane geloffen sint ane mih die  
starchen .
- 58,5 Noh unreht min noh sunte min herro ane unreht lief ih unde seigete .  
rihtete ih .
- 58,6 Stand uf in engegenlouf minen unde sih . unde du herro got dere tugende  
got des liutes Erdene ze wisenne . ze sehenne alle diete nihne erbarmes du  
dih allen den die der wurchent daz unreht

- 58,7 Si werdent becheret ze abente . unde den hunger dolent si . lident si also  
die hunte . unde umbeuarent die burch
- 58,8 Sehenu redent si in munde ire unde daz suert in lefsen ire wande wer horte  
iz .
- 58,9 Vnde du herro bespottes sie ze nihte beleittes . bringes du alle diete
- 58,10 Sterche . mine ze dir behuote ih wande got enphahare min
- 58,11 got min barmherce . gnada sin fure chumit mih
- 58,12 Got zeicte . hat gezeigt mir uf uiante mine daz iht du slahes sie daz iht  
etewenne si uergezzen liutes mines . zesprenge . zefuore sie in chrefte diner  
. unde nider lege sie schirmaere min herro
- 58,13 die missetat . mundes ire die rede lefse ire selbere unde werden geuangen  
. begriffen in ubermuote ire Vnde uone dere meinrede . uerphiunge .  
uerwazzenunge unde uone der luge werdent si gechundet
- 58,14 in dere uerentunge in zorne dere uerentunge . daz ist des iungisten urteiles  
. unde nihne wesent si . Vnde wizzen si wande got herset noh des liutes  
unde dere ente der erde
- 58,15 Si werdent becheret ze abende unde den hunger si dolent also die hunte  
unde umbegent die burch
- 58,16 Si selbe werdent zefuoret . zesprenget ze ezzenne ob aue nihne werdent si  
gesatet unde murmulent
- 58,17 Ih aue singe noh sterche dine . unde ih gehoe noh fruo . gnade dine .  
Wande getan du bis enphahaer min unde zuofluht min an dem tage note  
miner
- 58,18 Helfaere min dir salmrotte ih wande got enphahaere min du bis got min  
barmherce . gnade min
- 58,18a Almahtiger got des tugent . chraft iouh barmherce . gnade deme  
mettinlichem wir loben in cite wir biten unde besuochen daz uon allere  
tunchelheite dere uinstere wir erratte mit dem morgenlichen liechte wir  
gezieret werden
- 59,1 An den ente fure die die der gewantelet werdent in des brieues anescribunge  
dauidi in der lere
- 59,2 do er zuntte . brante Mesopotamiam unde Syriam unde becherte Ioab unde  
sluoch Edom in dem tale dere salzbrunnen zuelf dusent
- 59,3 O Got du wider getriben has furder gestozzen has du unsih unde zestoret  
has du unsih . zornich bis du unde erbarmet bis du uns . Du bis uns  
erbolgen unde gnadich gewesen . serphe unde linde
- 59,4 Beweget has du die erde unde getruobet has du sie heile uermuskide . ire  
wande si beweget ist
- 59,5 Gezeigt has du liute dinem hertiu . unsemftiu . getrenchit has du unsih  
mit wine dere gestungede . riuwe .
- 59,6 Du gaebe den furhtenten dih zeichenunge . bouchenunge daz si fliehen  
uone dem antluzce des bogen Daz erloeset werden lieben dine
- 59,7 heil . gernern tuo mit zeswen diner unde erhore mih
- 59,8 Got hat geredet . hat gesprochen in heiligen sineme . “ih frowe mih unde  
teile unde dei getelere . dere gezelte mizze ih
- 59,9 Min ist galaad unde min ist manasses unde effraim diu sterche houbetes  
mines Iuda chunich min

- 59,10 moab hauen gedingen mines In daz lant erdene ih . reche ih gescuohe min  
mir die fromitgebornen untertan sint”
- 59,11 Wer beleittet mih in burch die geuestenten wer beleittet mih unze in die  
heidenscaft
- 59,12 Oder niht du got du der furder getriben has . unsih unde nihne uz gest got  
in tugenden unseren
- 59,13 Gib uns hilfe uone dere note . dresckunge unde ubpich heil des menniken  
. s . ist .
- 59,14 In gote tuo wir die tugent . frumicheit . unde er selbe ze nihte beleittet .  
bringit die notigenten unsih .
- 59,14a Gnadigister herro heile . nere den fleglichen liut . mit dere hilfe zeswen  
dinere . unde so ze dem wuochere des guoten werches in den noten er  
gewechit wirt . mit diner allezane gnade er getroestet werde
- 60,1 An den ente in den lobesangen dauidis .
- 60,2 Erhore got dige mine ane denche gebete mineme .
- 60,3 Vone den enten der erde ze dir rief ih do der geangestet wurde herce min  
an deme steine gehohstes du mih du beleitteste mih
- 60,4 wande du getan bis gedinge min ein turn dere sterche uone dem antluzce  
des uiantes .
- 60,5 Ih ine buwe in gezelte dineme in die werlte ih wurde beschirmit in dere hule  
uettache dinere
- 60,6 Wande du got min erhoret has gebet min du has gegeben erebe den  
furhtenten namen dinen
- 60,7 Tage uber die tage des chuniges zuo wirfis iar sinu unze an den tach .  
geslahtes . chunnes unde geslahtes . chunnes .
- 60,8 Er uolwonet z en ewen in bescowede gotes barmherce unde warheite sine  
wer uorsket imo
- 60,9 So den salmen spriche ih namen dinem in die werlt dere werlte . daz ih  
leiste antheizze mine uon tage ze tage .
- 60,9a Angisten unserre gnaedigister . barmhercister trostaere got beschirme  
hiwiske dine uone dem antluzce des uiantes . daz uone dir einem turne  
dere sterche si uore geuestinetiu . in buwen gezelt . herberge si garne dei  
ewigen
- 61,1 An den ente fure den uberspringenten salme Daud
- 61,2 Oder niht gote untertan . wisit sela min . uone im selbem greht heil min
- 61,3 Wande ouh er selbe got min s . ist unde heilant min enphahaer min nihne  
wurde ih beweget mere . ofter
- 61,4 Ware unze ane ilet . loufet ir an den menniken . erslahet ir alle also dere  
wente geneigten unde steinwente dere nider gestozzen
- 61,5 Aue iedoh wert min dahten si widertriben . ih lief in dem durste . mit  
munde ire wole sprachen si unde mit hercen ire ubel sprachen si
- 61,6 Aue iedoh gote untertan wis sela min wande uon ime selbeme gedult min
- 61,7 Wande er selbe got unde heilaere min . helfare min nihne uz uare ih
- 61,8 In gote heil min unde ere min got hilfe miner unde gedinge min an gote ist
- 61,9 Gewartet an ime elliu diu samenunge des liutes uz scutet uor ime herce  
iuweriu got helfaere unser z en ewen

- 61,10 Aue iedoh uppige chint dere liute lugenaere chint der mennicken an den wagen daz si besuichen betriugen . iene selbe uone dere uppicheite an daz selbe .
- 61,11 Ne wellet ir gewarten an deme unrehte . unde die roube ne wellet ir geren die rihtuome ob si zuo fliezzen . ir ne wellet daz herce dar zuo sezzen .
- 61,12 ze einem male sprah . redete got . zuei dei horte ih . wande gualt gotes ist
- 61,13 unde dir herro barmherce wande du wider gibis einem ieglichem bi . nah werchen sinen
- 61,13a Untertuo dir herro sele unsere wande du bis gedult unser wariu . daz wir widerente dei unguissiu dere rihtuome dih einen uermaneter allere werltlichen uppicheite wir nah uolgen
- 62,1 An den ente salme Daudid do er waere in dere wuoste des lantes . dere heidinschefte .
- 62,2 o Got got min zuo dir uone dem liehte ih wache Durste an dih sele min wie manichualtichlichen dir fleisc . lih min
- 62,3 An erde der wuosten . awicken . unde unwazzeruoller . so in dem heiligen erschein ih dir . daz ih gesaehe tugent . chraft dine unde ere dine
- 62,4 Wande bezzer ist barmherce din uber die libe lefse mine lobent dih
- 62,5 So wole spriche ih . lobe ih dih in libe minem . unde in namen dineme uf heue ih hente mine
- 62,6 Also mit spinte unde mit ueizte werde erfullet sele min . unde mit lefsen dere frowiden lobet munt min
- 62,7 Ob ih gehuctich was din uf legerstrowe minere in den mettinen denche ih ane dih .
- 62,8 wande du waere helfaere min Vnde in dem dechesale . uettache dinere frowe ih mih
- 62,9 zuo hafte sele min nah dir mih enphie . hat enphangen zeswa din
- 62,10 Si selbe ze ware in uppich suohten sele mine si ine gent in dei nidereren dere erde
- 62,11 si werdent gegeben in die gualt des suertes teile dere uohen wesent si .
- 62,12 Der chunich ze ware frowet sih in gote . gelobet werdent alle die der suerent in imo . wande uerstozzen . uerschoben ist munt dere redenten unrehtiu
- 62,12a zuo dir uon liehte den wachenten licht uerlihe . gib daz ewige orthabare lichtes des ewigen . daz dih lefse unsere loben dih lib unser wolesspreche dih denchunge diu mettinliche ere . guotliche
- 63,1 An den ente salme dauidis
- 63,2 Erhore got gebet min so ih dige . flege . uone uorhten des uiantes errette sele mine
- 63,3 du bedactes . beschirmtes mih uone dere zesamenechumfte dere ubel wellenten uone dere menige dere wurchenten daz unreht
- 63,4 Wande si wazten also ein suert zungen ire . sie spienen . erdeneten den bogen dinch ein bittere
- 63,5 daz si schiezzen in den getougenen den ungemeylten
- 63,6 alles gahes schiezzent si in . unde nihne furhtent in . si uesteneten in rede eine ubile Si sagten . si zalten daz si uerburgen die striche si sprachen . “wer sihit sie”

- 63,7 Si ersuohten . si erscrudelten dei unreht si erwurten . in gebrast . si muodeten erscrudelente mit dem scrudele zuo get der menniske ze hercen hoheme .
- 63,8 unde gehohet wirdit got Die strale . dei scoz dere wenigen worden sint slege ire
- 63,9 unde ungechreftiget sint wider in zungen ire Getruobet sint alle die sahen sie
- 63,10 unde forhte aller menniske Vnde si chundten dei werh gotes unde getaete sine si uerstuonten .
- 63,11 Frowit sih der rehte in deme herren unde gewartet an ime . unde gelobet werdent alle rehte in dem hercen
- 63,11a Schirme allere gloubenten o got behuote christenheite dine uone dere insamitchumfte dere ubil wellenten die sie mit uerholnen schozzen . waffen ane fehtent daz diu mit heilsamer . unde mit rechter si behabentiu uernunste dere rechten gewirhten ewichlichen insamit . eben frowe
- 64,1 An den ente der salme dauidis . ein sanch uone deme liute dere uerherede . abefuorunge . durh die wihsage hieremiae et Ezechiel do si begunden uaren
- 64,2 diu gecimit lobesanch o got in der warte . unde dir wirt geleistet antheiz in dere gesichte des frides
- 64,3 Erhore gebet min zuo dir alliz . elliu fleisc . lih chumit
- 64,4 Dei wort dere unrechten ubermohten . sint gemegenet uber unsih . unde unguoten unseren du gnades . noh
- 64,5 Salig den du hast erwelit unde zuo genomen has . er in buwet in houen dinen Wir werden erfullit in den guoten huses dines heilig ist sal din
- 64,6 wunderlih in der ebene Erhore unsih got heilant unser gedinge . zuouersiht allere dere ente der erde unde in dem mere uerrene
- 64,7 Vore garwenter die berge in tugende . chrefte diner umbe gegurtter dem gualte
- 64,8 du der getruobes die tieffe . den grunt des meres . den lut dere unde fluzze siner Getruobit werdent die diete
- 64,9 unde furhtent die der ane buwent die marche uone zeichnen dinen . die uzuerte morgenliche unde in abent liebes du
- 64,10 du has gewiset die erde unde has getrenchit sie du has gemanichualtet richen sie Daz wazzer bah gotes erfullit ist uon den wazzeren . du has gegarwet ezzen ire wande so ist uoregarwe sin
- 64,11 Bache sine ire getrenche gemanichualte chimen . geslahte sine . ire in trophcungen sinen frowet sih diu chimente
- 64,12 Du gesegenes dere cierge des iares wolewillicheite dinere unde uelt diniu werdent erfullit dere gnuhsame
- 64,13 da ueiztent dei schoniu der wuoste . unde mit froude die buohle werdent uf gegurtet
- 64,14 Ane gewaetet sint die widere dere schaffe . unde die telere gnuhsament uon dem weizce . sie ruoffent unde ze ware lobesanch sprechent si
- 64,14a Gedinge trost allere dere ente der erde erhore gebet digelichen hiwiskes dines daz so si diu mit hantslage ebenlutigem . unde mit lobesanges wisemazze durhschillit . mit dere ingiezzunge des troestares geziertiu mit manichualtlicher gnuhte dere wuochere si ueizten beginne

- 65,1 An den ente salme dauidis ein sanch dere urstende Iuwet gote elliu diu erda  
 .
- 65,2 den salmen sprechet namen sinem . gebet die ere . guotliche lobe sinem .
- 65,3 Sprechet gote . “wie egeslichiu sint werh diniu herro in der menige tugende  
 diner liugent dir uiante dine .”
- 65,4 Elliu diu erda ane bete dih unde salmrotte dir salmen spreche si namen  
 dinem
- 65,5 Chomit unde sehet dei werh gotes . egeslih . s . ist er in den raeten uber  
 dei chint dere liute . mennicken .
- 65,6 Der der becheret daz mere in die durrene . in deme wazzere uberuarent si  
 mit dem fuozze . da frowe wir unsih in ime selbeme .
- 65,7 der der herset in tugende . chrefte siner . ougen siniu uber die diete scowent  
 . die der harewent . unsemftent nihne werden die gehohet in in selben
- 65,8 Wole sprechet ir diete gote unserem . unde gehorte tuot die stimme lobes  
 sines
- 65,9 Der der gesazte sele mine ze libe unde nihne gab in bewegede fuozze mine
- 65,10 Wande du bewartes unsih got mit fiure unsih ersuohtes . erliuttertes also  
 ersuochet wirt . erliutteret wirt daz silber
- 65,11 Du in leittes unsih in einen strich
- 65,12 du saztes . legetes die note uf rucke unserem du uf saztes die liute uf hobite  
 unseriu Wir biren geuaren durh fiur unde wazzer . unde du has uz geleittet  
 unsih in die urchuole
- 65,13 Ih in gen in hus din in den rouhopheren ih leiste dir antheizze mine
- 65,14 die der unterschideten lefse mine Vnde gesprochen hat munt min in note  
 miner
- 65,15 Rouhopher gemarctiu . ueiztiu ophere ih dir mit dem rouche dere widere .  
 ih ophere dir ohsen rinder mit den bochen
- 65,16 Chomit . horet unde sage ih alle ir der furhtet got wie hebighu er getan hat  
 sele miner
- 65,17 zuo ime selbeme mit munde minem rief ih unde frowete mih unter zungen  
 miner
- 65,18 daz unreht ob ih ane sah in hercen minem nihne erhoret der herro
- 65,19 Durh dei erhorte got unde zuo dahte dere stimme dige minere
- 65,20 Der wole gesagte got der nihne dane wegte gebet min unde gnade sine uone  
 mir .
- 65,20a Chunde . offene herro muote unserem die ere lobes dines . daz so dirre  
 werlte zuntosal wir uermiden in der ewigen urchuole dir einem biscoe uber  
 gefuoret werden .
- 66,1 An den ente in den lobesangen salme des sanges
- 66,2 Got erbarme sih unser unde segene . wole spreche uns erliuchte antluzce sin  
 uber unsih unde erbarme sih unser
- 66,3 Daz wir erchennen an der erde wech dinen in allen dieten heil din
- 66,4 Veriehen dir die liute got ueriehen dir die liute alle
- 66,5 Frowen sih unde uf screchen die diete wande du erteilis rihtes die liute in  
 der ebenunge . unde die diete an der erde gerihtis
- 66,6 Veriehen dir die liute got ueriehen dir die liute alle

- 66,7 diu erda hat gegeben wuocher ire  
 66,8 Gesegene unsih got uater got sun unser gesegene unsih got der h . g . unde  
 furhten inen elliu dei ente der erde
- 127,5 [...] [...] uone dere warte unde du gesehes dei guot dere fridesihtigen burge  
 in allen den tagen libes dines .  
 127,6 Unde du gesehes diu chint . chinde dinere fride uber den liut  
 127,6a Den furhtenten namen dinen herro saelde uerlih . gib die ewigen daz solh  
 uns getaete unde solh si lib diu daz hohe uone den guoten wuocheren  
 gewirhte widertrage ze den gestirnen .
- 128,1 Ofte eruahten . s . die suntare mih uone iugende minere spreche nu der  
 got sehente man  
 128,2 Ofte habent eruohten si mih uone iugende minere unde ze ware nihne  
 mohten si mir  
 128,3 Vf rucke minen zimbreten . habent gezimberet die suntaere . si lengeten .  
 si habent gelenget unreht ire  
 128,4 Herro der rehte zeslehet . zesnidet die halsadere dere suntaere  
 128,5 geschentet werden unde becheret werden widere hinter sih alle die der  
 hazzent die s christenheit .  
 128,6 Si werden also daz howe dere dache . daz e denne iz uz geroufet werde  
 erdorrete . iz  
 128,7 Vone deme nihne fulte . hat gefullet hant sine der der findet . snidet . unde  
 buosem sinen der die garbe zesamene lisit .  
 128,8 Vnde nihne sprachen die der fure giengen “segene des herren . si uber iuh  
 wir haben wole gesprochen iu in namen des herren”  
 128,8a Von allere aneuechtungen ubilen . unguoten . christenheit dine o herro  
 mit zeswen diner schirmunge beschirme . daz den unfriunten hinter sih  
 becherten den heiligen uone dir segenen werde erfullet
- 129,1 Vone den tieffen ih rief ze dir herro  
 129,2 o herro erhore stimme mine Werden oren dine ane denchente an die stimme  
 dige miner  
 129,3 Obe die unrehte du behaltest herro o herro wer enthabet iz erlidit iz  
 129,4 Wande mit dir gnadicheit ist unde durh e dine enthabete ih bitte ih dih din  
 herro Enthabete sih sele min an worte sineme .  
 129,5 gewartte sele min an deme herren  
 129,6 Vone huote der mettinlichen fruon unze ze naht so gewarte der liut an dem  
 herren  
 129,7 Wande mite dem herren . s . ist diu barmherce unde geziuchuolliu mit ime  
 urlosunge  
 129,8 Vnde er selbe erloset den liut uz . uon allen unrechten sinen  
 129,8a Ane denchen bite wir herro guote diner oren in daz gebet dere digelichen  
 wande mit dir ist diu gnaedicheit dere sunten . oder dere . suntare daz niht  
 du behaltest unrehte unsere halt du uerlihest uns barmherce dine

- 130,1 Herro nihne ist erhaben . gehohet herce min noh erhaben sint ouge miniu  
Noh ih ne gie in den michelen noh in den wunderlichen uber mih . oder  
uf mir
- 130,2 Obe niht diemutichlichen ih entstuont halt ih hohete sele mine Also daz  
entspenete uf muoter siner also . s . si daz widergelt . lon in sele miner
- 130,3 Gewarte . Getruwe israhel ane dem herren uone dannen . nu . unde unze  
in die werlt
- 130,3a Daz iht du uerhengest unsih erheuet werden in den ubermuoten dere werlte  
almahtiger uater . halt du der semfte bis unde diemuote in dem hercen lere  
unsih mit diemuotigen dir gedingen . gehengen
- 131,1 Gehuge herro dauidis unde allere memminticheit siner
- 131,2 Also er suuor . deme herren . antheiz er enthieze gote iacobis .
- 131,3 Ob ih ine gen in daz gecelt huses mines obe ih uf stige in daz bette strowe  
miner
- 131,4 Ob ih gegibe . slaf ougen minen unde ougbraen minen die slafheit .  
naphezunge
- 131,5 Vnde ruowe tunewengen minen unze ih uinde stat deme herren . gecelt  
gote iacobis
- 131,6 Sehenu wir horten dei in bethlehem wir funde sie an den uelden des waldes
- 131,7 Wir giengen ine in gecelt sin wir ane betten an der stete da stuonten fuzze  
sine
- 131,8 Stand uf herro in ruowe dine du unde diu archa heilcheit diner
- 131,9 Ewarte . biscoue . bristere dine ane legen . ane guaettet werden deme rehte  
unde heiligen dine frowen sih . uf schrecken .
- 131,10 Durh den chunich chenht dinen nihne uone cheres du antluzze gesalbten  
dines
- 131,11 Suuor der herro deme chunige unde niht uerubpiget er sumet . betriuget  
inen . “uone deme wuochere des buches dines sezce ih uf stuol dinen
- 131,12 Obe behuotent chint dineu hantueste . wizzentuom minen unde urchunde  
miniu dei . dei ih lere sie Vnde chint ire unze in die werlt sizzent si uf stuole  
dinem”
- 131,13 Wande erwelet hat der herro den berch . hat erwelet sie in buwunge . wesen  
ime .
- 131,14 “Diu ruowe min in werlt dere werlte hie buwe ih wande ih erwelet han sie
- 131,15 Witewen ire gesegenter wole sprechenter ih gesegene armen sine ire gesate  
ih mit den broten
- 131,16 Ewarte sine ire ane gelege ih dem heile unde heiligen ire mit frowede .  
ufschrechunge . frowent sih . uf schrechent si
- 131,17 Dare fure leitte ih daz horn dauidis ih han gegarwet liehtuaz chunige  
minem
- 131,18 Uiante sine ane lege ih mit dere schante uber in selben aue uz bluot  
heilicmachunge min”
- 131,18a In alleme ingange unserem gehuctich wis unser almahtiger got . ane sloufe  
unsih dem ewartichlichem rehte daz in geleittet werden wir garnen in gecelt  
dei ewigen
- 132,1 Sehenu wie guot unde wie frolih . buwen die bruodere in ein

- 132,2 Also diu salbe . daz salbode an dem houbite daz der nider gie in den bart .  
den bart des ewartes . Daz der nider gie an die gewaetes sines
- 132,3 also daz tou des berges der der nider trorte ane den berch dere warte .  
Wande dare enbot der herro den segen unde den lib unze an die werlt
- 132,3a Ine giuz herro in samenunge dine die minne dere bruderscheffe unde des  
frides daz mit dem towe salbodes des geistlichen wir besprancte segenes  
dines gnade wir werden gefrolichet
- 133,1 Sehenu nu wole spreche deme herren alle chnehte des herren . Ir der stet  
in deme hus des herren in den houen huses gotes unseres
- 133,2 In den nahten uf erheuet hente iuwere an dei heiligen unde wole sprecht  
deme herren
- 133,3 Segene diu der herro uon dere warte der der getan hat himil unde erde
- 133,3a Wole sprechente diu alle chnehte dine herro wir digen . biten . daz  
unsih mit werlte dirre nahte bedachte erliuhten du geruoches unze an daz  
suenne hente unsere in guoten werchen wir uf heuen segenunge uone dir  
die miltichlichsten wir guinnen
- 134,1 lobet namen des herren lobet ir chnehte den herren
- 134,2 Ir der stet in deme hus des herren in den houen huses gotes unseres
- 134,3 lobet den herren wande guot er s . ist herro salmrottet namen sinem wande  
iz linde . suozze ist
- 134,4 Wande den liut erwelete . hat erwelet ime der herro . den selben liut in  
eine besizzunge ime
- 134,5 Wande ih han erchennet daz michil ist der herro unde got unser uore allen  
goten
- 134,6 Elliu suelhiu er wolte der herro tet . hat getan in himili unde erde in dem  
mere unde in allen wagen .
- 134,7 Vz leittenter dei wolchen uone lezciste der erde die blicche in den regen  
machete er Der der fure bringit die winte uone schazcen sinen
- 134,8 der der sluoch dei eristgeborniu des lantes uone deme menniken unze an  
daz uihe .
- 134,9 Er uz sante zeichin unde bouchen in mitten din o egiptilant an den chunich  
unde an alle chnehte sine
- 134,10 Der der sluoch diete manige . unde sluoch chunige starche
- 134,11 Seon chunich dere bitterenten unde Og den chunich basan unde elliu dei  
riche chanaan
- 134,12 Vnde gab erde ire erbe erbe liute . sinem
- 134,13 Herro name din z en ewen herro gehuctlih din in chunnescaft unde  
chunnescaft
- 134,14 Wande erteilet . rihtet der herro liut sinen unde in scalchen sinen wirdit er  
erbeten .
- 134,15 Dei abegoter dere diete . s . sint silber unde golt . s . sint dei werh hante  
dere liute
- 134,16 Munt si habent unde nihne redent si ougen si habent unde nihne sehent si
- 134,17 Oren si habent unde nihne horent si noh sa wande der geist . s . ist in  
munde ire
- 134,18 Gliche in werden die machent sie . unde alle die der getruwent an in .

- 134,19 Hiwisk israhel wol sprechet dem herren . hiwisk aaron wol sprechit dem h' .
- 134,20 hiwisk leui wol sprechit dem herren . ir der fvorhtit den herren wol sprechit dem herren .
- 134,21 Wole gesageter der herro uone dere warte . der der buwet in dere sehunge des frides
- 134,21a Suozze dere urmarigen got den elliū diu erde umbe dere suozze guotgernicheit insamit lobet wir biten daz benomenem uone uns dere ubpigen [...] [...] irretuome dinen willen wir zuo gechnuphit werden
- 135,1 Veriehet deme herren wande er guot . s . ist . wande z en ewen barmherce sin
- 135,2 Veriehet gote dere gote wande z en ewen barmherce sin
- 135,3 Veriehet deme herren dere herrun
- 135,4 Der der tuot wunter michiliu eine
- 135,5 der der tet die himile in dere uernunste
- 135,6 Der der geuestenet hat die erde uber dei wazzer
- 135,7 Der der getan hat liehtuaz dei michiliu
- 135,8 Den sunnen in den gualt des tages
- 135,9 Die maninne unde die sternen in den gualt dere naht
- 135,10 Der der sluoch egiptilant mit eristgebornen ire
- 135,11 Der der uz beleitte den liut uone inmitten ire
- 135,12 In hente dere gualtigen . unde arme dem hohen
- 135,13 Der der teilte . mere daz rote in die schidunge
- 135,14 Unde uz leitte den liut durh inmitten sin
- 135,15 Unde uz scutte den chunich unde chraft sine in mere deme roten . wande iemmer . z en ewen . barmherce sin
- 135,16 Der der uber beleitte liut sinen durh die wuoste
- 135,17 Der der sluoch chunige die michilen
- 135,18 Unde ersluoch chunige die starchen
- 135,19 Seon den chunich
- 135,20 Unde Og den chunich
- 135,21 Vnde er gab erde ire ze erbe
- 135,22 Erbe deme got sehemtem man chnehte sinem
- 135,23 Wande in diemuote unserre gehuctich was er unser
- 135,24 Vnde erlose unsih uone uianten unseren
- 135,25 Der der gibit ezzen alleme fleiske
- 135,26 Veriehet gote des himilis Veriehet deme herren dere herren wande ze den ewen barmherce sin
- 135,26a Gehuctich diemuote unserre gnade uns almahtiger got unde du der wilen uateren unseren die erde dere widerwarten in erbe gaebe unsih uone dere sunte erlose unde mit dinem erbe gesezce
- 136,1 Obe den wazzeren dere scantlichen burch da sazze wir unde weinten suenne wir erhucten des berges
- 136,2 An den salhen in mitten ir hienge wir uf seitspil unseriu

- 136,3 Wande da fragten unsih die uerherete . geuangene fuorten unsih . dei wort  
dere sange Vnde die hine fuorten unsih “daz lobesanch singet uns uon den  
sangen des berges”
- 136,4 Wie . ze welher wis singe wir daz sanch des herren an erde dere fromiden  
136,5 Obe ih agezzel wurde din o gotes burch dere agezzele so werde gegeben zeswe  
min
- 136,6 zuo hafte . chlebe zunge min guomen minen obe niht ih gehuge din Obe  
niht ih furesezce die gotes burch an deme anegenge froude miner
- 136,7 Gehuct wis herro dere chinde edom ane dem tage hierusalem Die der  
sprechent “eritelet eritelet unze an die gruntueste in ire”
- 136,8 o Du tohter dere scante armiu salich . s . ist der lonet . uergiltet dir die  
vrgeltunge dine die du uergolten hast uns
- 136,9 Salich . s . ist der der habet unde ane stozzet wenigliden dine ze deme  
steine
- 136,9a Vanchnusside unserre der gueltigiste ledigaere uerlih uns lobe dine mit  
geistlichem singen ebenlute daz die der diu uazze burde . dere sculde da  
uore getet ellente . diu uferheueunge dere mahtigen zeswen die himiliskn  
wider sezce geburen
- 137,1 Selbem deme girdlichen Ih uergihe dir herro in alleme hercen . mineme .  
wande hast gehoret dei wort mundes mines In der bescowede dere engile  
salmrotte ih dir
- 137,2 ih ane bete ze sale heiligem dinem unde ih uergihe namen dinem Vf  
barmherce . gnade dine unde warheit dine wande du hast gemichilichet  
uber allen namen heiligen dinen
- 137,3 An suelhem tage ih ane ruoffe diu erhore mih du gemanichualtest ane sele  
miner die tugent
- 137,4 Veriehen dir herro alle die chunige dere erde . wande si habent gehoret elliu  
dei wort mundes dines
- 137,5 Vnde si singen an den wegen des herren wande michil ist diu ere des herren  
137,6 Wande hoh . s . ist der herro unde dei diemuotigen ersihit er unde dei  
hohen ennen uerre erchennet er .
- 137,7 Obe ih gen in mitten dere note . mue du libhaftigest mih unde uber den  
zorn unfriunte minere erdenetest du hant dine unde heilen mih tet zeswe  
din
- 137,8 Der herro uergiltet . lonet fure mih . herro barmherce din in die werlt unde  
dei werh hante dinere daz iht du uersmahest
- 137,8a Gemanichualte herro warheite dine in den selen dere fleglichen daz so diu  
in sale heiligem dinem gedihclichen wir ane beten . in gesichte diner mit  
den heiligen engilen wir guotlichen
- 138,1 An den ente salme . leih des girdlichen
- 138,2 o Herro du hast bewaeret mih unde du hast erchennet mih . du erchantest  
sizunge mine unde urstente mine
- 138,3 Du uerstuonte gedahte mine ennen uerre stich geuerte minen unde seillin  
. mez erbe min hast du eruorsket eruaren
- 138,4 Vnde alle wege mine hast du uore besehen . wande nihne ist rede an zungen  
miner

- 138,5     Sehenu herro du hast erchenet . elliu iungistiu unde altiu du hast gebilidet  
mih unde hast geleet uf mih hant dine
- 138,6     Wunterlih getan ist gewizzene din uone mir gesterchet . erstarchet ist si  
unde nihne mage ih zuo ire
- 138,7     Ware gen ih uone geiste dinem . unde ware uon antluzce dinem fliuhe ih .
- 138,8     Obe ih uf stige in den himil du da bist . ob ih nider stige ze der helle da  
zuo bis du .
- 138,9     Ob ih genime uerdere mine unter liechten . fruo unde ih buwe in den  
lezisten des meres
- 138,10    ze ware dare hant din beleitet . fuoret mih unde habet mih zeswe din
- 138,11    Vnde ih sprah . “mach geschehen die uinstere zetreten mih unde diu naht  
erliuhtunge min in zartlusten minen
- 138,12    Wande die uinstere nihne werdent uertunchelet uone dir . unde diu naht  
also der tach wirdit erliuhtet also uinstere ire so ouh lieht ire”
- 138,13    Wande du hast besezen lanchen . nieren mine du enphienge mih uone  
dem buche muoter miner
- 138,14    Ih fergihe dir wande egeslichen gemichilichet bist . wunterlichiu werh  
diniu . unde sele min erchenet si harte
- 138,15    Nihne ist uertougenet munt min uone dir daz du taete in dere getougene  
unde gnist . habe min in den nidereren dere erde .
- 138,16    Vnuoltanen minen sahen . habent gesehen ougen diniu . unde an buoche  
dineme alle gescriben werdent die tage werdent gebilidet . unde niemen in  
in . s . bestet unschoner
- 138,17    Mir aue harte geeret sint friunte din got harte gesterchet ist furstuom ire
- 138,18    Ih unterzele sie . unde uber den griez werdent si gemanichualtet . ih bin  
erstanten unde ie noh bin ih mit dir
- 138,19    Obe du erslehest o got die suntaere o ir man dere bluote geneiget uone mir  
.
- 138,20    Wande ir sprechet in dere gedenchunge si enphahen in dere uppicheite  
burge ire
- 138,21    Oder niht die hazzeten diu herro hazzete ih . unde uf uiante dine ih slewete
- 138,22    Mit durhnatigem hazze ih hazzete sie uiante worden sint si mir
- 138,23    Bewaere mih got unde wizze herce min frage mih unde erchenne stige mine
- 138,24    Vnde sih obe wech des unrehtes in mir ist unde beleitete mih ane wege dem  
ewigen
- 138,24a   Des himilis unde der erde schirmare o got deme sterbenteme erliuhtet  
wurden die helle deme ersteenteme dere heiligen ist diu menige gefrowet  
dem uf uarenteme dere engile frowete sih diu samenunge . wir digen so  
hebiger eren ubertreffente tugent . chraft daz wir gerihte an wege dem  
ewigen mit deme wir beschirmit werden arme . dannen erwirdige friunte  
dine mit dir guotlichent in dem himile du der mit got uatere .
- 139,1     An den ente salme . leih dauidis
- 139,2     Errette mih herro uone mennicken deme ubilen uone manne deme  
unrehten errette mih .
- 139,3     Die der dahten . dei unreht in deme hercen allen den tach stiften si dei  
urliuge
- 139,4     Si wazten zungen ire also die slangen eitter dere wurme unter lefsen ire

- 139,5 Behuote mih herro uone dere hante des suntaeres uone mennicken den  
unrehten errette mih Die der dahten unterschuphen genge mine .
- 139,6 burgen die ubermuoten strich mir Vnde dei seil erdeneten si in den strich  
bi der uerte honde . laster . sazten . legeten si mir
- 139,7 Ih sprach deme herren got min bis du erhore herro die stimme dige . bete  
miner
- 139,8 Herro herro tugent . chraft heiles mines . du beschatewetest uber houbet  
min an dem tage des wiges
- 139,9 Nihne uerseles du . herro girde mine deme suntaere si dahten si habent  
gedaht wider mih daz iht du uerlazzest mih daz iht uon geschichte si erhohet  
werden .
- 139,10 Daz houbet umbeuerte ire arbeitte lefse ire selbere bedechet sie
- 139,11 Vallent uber sie die zanteren in daz fiur nider wirfist du sie in den  
wenicheiten nihne bestent . gewerent si
- 139,12 Man der zungeuoller nihne wirdit gerihtit an der erde . man den unrehten  
dei ubilen geuahent in dem uerlore
- 139,13 Ih han erchennet wande tuot der herro daz gerihte des unstathaften . unde  
die rache dere armen
- 139,14 Aue iedoh die rehten ueriehent namen dinem . unde buwent . wonent die  
rehten mit antluzce dinem
- 139,14a Chraft heiles unseres o got beschirme christenheit dine uone dere  
missehellenten eittere dem totfurigeme daz uone dir beschatewete niemmer  
wir gebunten werden uone strichen des uiantes
- 140,1 o Herro ih rief . han geruoffet ze dir erhore mih ane denche stimme miner  
suenne ih ruoffe . ze dir
- 140,2 Gerihtet werde gebet min also daz wihrouh in gesichte diner ufheueunge  
hante minere opher ein abentlih
- 140,3 Gesezce herro huote munde minem . unde ture dere umbesteunge .  
guarheite . lefsen minen
- 140,4 Nihne geneiges du herce min in dei wort dere ubile ze entsagenne . z  
entsculdigene die entsagunge in den sunten . Mit liuten . mennicken den  
wurchenten daz unreht unde niht ih gemeine mit erweleten ire
- 140,5 Gereftset mih der rehte in dere barmherce unde erschellet mih . daz ole aue  
des suntares nihne ueiztet . salbet houbet min Wande ienoh iouh gebet  
min in den wolegedingen ire
- 140,6 abe gesuarbet sint gefuocete deme steine rihtare ire . Si gehorent wort miniu  
wande si mohten iz
- 140,7 also diu ueizte der erde uz gebrochen dozzen ist uf die erde zefuoret sint  
gebeine unseriu da ze helle
- 140,8 wande ze dir herro herro ougen miniu an diu gewartte ih nihne nemest du  
sele mine
- 140,9 Behuote mih uon deme stricche den si gesazten mir unde uon den  
wirserungen dere wurchenten daz unreht
- 140,10 Geuallent in nezzeline sineme die suntaere sunterlichen einzlichen bin ih  
unze ih si ubergen Also er spraeche . ih bin iz eine der uber die striche  
gnozzen chumit .

- 140,10a Sezce herro huote munde unserem daz iht iteliu uppigiu wir fure bringen  
daz mit barmherce diner begriphte uon allen dere unrehte uerdruchungen  
wir beschirmet werden
- 141,1 Dere uernunste dauidis do er waere in dem luoge diu bete daz was da er  
sauili des manteles ort abe sneit .
- 141,2 Mit stimme miner ze deme herren ih rief mit stimme miner ze deme herren  
digte ih . han ih gebettet
- 141,3 Ih uz schute in bescouwede siner bete mine not . muo . arbeite . mine fure  
in selben ih fure chunde
- 141,4 An zegeende . erwerdende uone mir geist . atem minen unde du erchantes  
stige mine An wege deme da ane ih gie burgen si strich mir
- 141,5 Ih warte . ih nam ware ze der zeswen unde sah unde nihne was der erchante  
mih Verlorne was ist diu fluht uone mir unde nihne ist der widersuoche .  
uorske sele mine
- 141,6 Ih rief ze dir herro ih sprah du bist gedinge min . teil min an der erde dere  
lebenten
- 141,7 Ane denche ze dige miner wande genideret . gediemuotiget bin ih harte  
Erlöse mih uone ahtenten . iagenten mih wande gestarchet sint si uber  
mih
- 141,8 Vz leitte uon dere huote sele mine ze ueriehenne namen dinem min bitent  
die rehten unze du gelones mir
- 141,8a Digente herro mit stimme diemuotiger guote dine erbite wir daz wir  
gehofene uone dir gedingene unserem teil mit erweleten dinen an der erde  
dere lebenten wir lozhafft werden
- 142,1 Salme dauidis do sun . sin in iagete sin aehte o Herro erhore bete mine  
. mit den oren enphah flegunge mine in warheite diner . erhore mih in  
dinem rehte
- 142,2 Vnde nihne in gest du an daz gerihte mit scalche dinem herro wande niht  
gerethaftiget wirdit in gesichte diner aller lebenter
- 142,3 Wande geahet hat der unfriunt sele mine er hat gediemuotiget an der erde  
lib minen Er hat gestetenet mih in den tunchelen also die toten dere werlte  
.
- 142,4 unde geangistet ist ine mir geist min ine mir getruobet ist herce min
- 142,5 Gehuct was ih tage dere alten gedaht bin ih in allen werchen dinen . in  
getaeten hante diner dahte ih
- 142,6 Ih spreitte hente mine ze dir . sele min also diu erde ane wazzer dir
- 142,7 Slunichlichen erhore mih herro zegangen ist geist min Nihne furder cheres  
du antluzce din uone mir . unde glih wurde ih den nider stigenten in den se
- 142,8 Gehoret tuo mir fruo barmherce dine wande an diu ih gewartte Chunt tuo  
mir den wech an deme ih ge wande ze dir ih erhaben han sele mine
- 142,9 Errette mih uone uianten minen herro ze dir bin ih geflohen .
- 142,10 lere mih tuon willen dinen wande got min bis du Geist din guoter beleittet  
mih an erde die rehten
- 142,11 durh namen dinen herro gelibhaftiges du mih in ebenehte diner Du uz  
beleittes uon der note sele mine

- 142,12 unde in barmherce diner zefuores du uiante mine Vnde du uerliusist alle die der notigent sele mine wande ih scalch din bin
- 142,12a Got du der die mettinliche dere heiligen urstente diner gehoret taete frolicheit . wunnesame do uone der helle wider uarenter du erfultes die erde mit den mandungen die du uerlazzen hetes in den uinsteren wir biten gualtes dines die unzallichen magenchraft daz also do samenunge die botelichen dere heiligen mendelen taete in urstente also dise christenheit dine barmherce mit gespreitten hanten flegente mit dem schime des himilischen glizces erliuhten du geruoches Du der mit got uatere .
- 143,1 Des armstarchen wider den risen Wolegesagter . Gelobeter herro got miner der der leret hente mine ze urluige unde uingere mine ze wige
- 143,2 Barmherce min unde zuofluht min enphahaere min unde losaere min BeSchirmaere min unde an ime selben gewartte ih du der untentuost liut minen unter mih
- 143,3 Herro waz ist der mennisk wande du dih gehundet hast ime oder der sun des mennischen wande du bezelest in
- 143,4 Der mennisk dere ubpicheite glih getan ist tage sine also der scate fure gent
- 143,5 Herro neige himile dine unde nider uare ruore die berge unde sie riuchent
- 143,6 Bleckeze die blichezunge unde du zefuoris sie uz la strale dine unde du getruobes sie
- 143,7 Vz sente hant dine uon der hohe errette mih unde erlose mih uone wazzeren manigen . unde uone hente chinde dere fromiden .
- 143,8 Dere munt geredet hat die uppicheit unde zeswe ire zeswe dere unrehticheite
- 143,9 Got sanch daz niuwe ih singe dir an saltare deme cehenseittigem salmrotte ih dir
- 143,10 Du der gibis heil den chunigen . du der erlostes chneht dinen uone suerte deme ubillichen
- 143,11 errette mih Vnde errette mih uone hente chinde dere fromiden dere munt geredet hat die uppicheit unde zeswe ire zeswe dere unrehticheite
- 143,12 Dere chint also die niuwen . iungen phlanzung uone iugente ire Tohter ire cesamene gesazte . gebahsete umbe gezierte also diu glihnusside des sales
- 143,13 Chellaere ire uolle uz rophezente waezzente uz deme in daz Scaf ire baerichuolle gnuhsamunte an uzgengen ire
- 143,14 rinder . chuo ire ueizte Nihne ist ual dere steinwente noh uberuart noh ruof . gescrei an strazzen ire
- 143,15 Saligen sprachen . hiezzen si den liut deme dei sint salich . s . ist der liut des der herro got sin . s . ist
- 143,15a lere unsih herro mit den geistlichen waffen den schedelichen schulden widersten . daz iht uppicheite dere werltlichen untertane uon dines rehtes herscheffe wir getriben werden
- 144,1 lobunge selbem Ih hohe dih got min chunich . unde wole spriche namen dineme in die werlt unde in die werlt dere werlte
- 144,2 Durh iegliche tage wole spriche ih dir unde ih lobe namen dinen an die werlt unde an die werlt dere werlte
- 144,3 Michil herro unde lobelih harte unde michile siner nihne ist ente

- 144,4 Chunnescraft unde chunnescraft lobet werh diniu unde gualtheit dine fure chudent si
- 144,5 Michillicheit ere heilicheit diner redent si unde wunterlih diniu zelent . sagent si
- 144,6 Vnde tugent . chraft egesliche dinere sprechent si unde michile dine sagent si
- 144,7 Die gehuct dere gnuhtsame linde . suozze diner uz rophezent si . unde an rehte dinem frowent si sih
- 144,8 Gnadaere unde barmhercer herro gedultiger unde uile barmhercer
- 144,9 Suozzer herro allen unde erbarmede sine uber elliu werh siniu
- 144,10 Ueriehen dir herro elliu werh diniu . unde heiligen dine wole sprechen dir
- 144,11 Ere . guotliche riches dines sagent si unde gualticheit dine redent si
- 144,12 Daz chunde si tuon den chinden dere liute gualticheit dine unde die ere dere michillicheit riches dines
- 144,13 Riche din riche allere werlte unde hersunge din in aller chunneschefte unde chunneschefte Getriuwer herro in allen worten sinen unde heilich in allen werchen sinen
- 144,14 Vf heuet der herro alle die der geuallent unde uf rihtit alle nider gestozzene .
- 144,15 Ougen allere an dih gewartent . unde du gibist ezzen in . in cite deme geuellichlichem
- 144,16 Vf tuos du hant dine unde fullist allez uihe mit dem segene
- 144,17 Rehter herro in allen wegen sinen . unde heiliger in allen werchen sinen .
- 144,18 Bi . nahen ist der herro allen den an ruoffenten . in allen den ladenten in in der warheite
- 144,19 Willen dere furhtenten sih tuot er . unde dige ire erhoret er unde genesen tuot er sie
- 144,20 Behuotet der herro alle die minnente sih unde alle suntaere er zefuoret
- 144,21 lobunge des herren redet munt min unde wole spreche allez fleisk namen heiligem sinem in die werlt unde in die werlt dere werlte . daz ist . Uon ewen z en ewen .
- 144,21a Richesaere allere werlte herro du der daz geistlih ezzen aller sele gecimilichem dienst in . cite uerlih uns dih ewichlichen wole sprechen unde dine gualticheit mit erweleten dinen baltlichen hohen
- 145,2 lobe sele min den herren ih lobe noh den herren in libe mineme ih salmrotte gote minem also lange so ih wise . Ne wellet getruwen an den fursten
- 145,3 an den chinden dere liute an den nihne ist daz heil
- 145,4 Vz uert geist sin unde wider cheret er in erde sine an dem tage werdent uerlorn alle gedanche ire
- 145,5 Salich . s . ist des got des ringares helfare sin . s . ist gedinge sin an dem herren gote sin selbes .
- 145,6 der der getan hat himil unde erde . mere . unde elliu dei in den sint
- 145,7 Der der behuotet die warheit an die werlt der tuot gerihte widermuote den dolenten der gibit ezzen den hungerenten Der herro loset die geschampeten .
- 145,8 der herro erliuhtet die blinten Der herro berihtet die nider gestozzen der herro minnit die rehten

- 145,9 Der herro behuotet die zuochomelinge . ellenten den weisen unde die  
witewen enphaehet er . unde die wege dere suntaere zefuoret er
- 145,10 Richeset der herro in die werlte got din o syon in chunneschaft unde  
chunneschaft
- 145,10a Eruoller almahtiger got an den dere saligen sele alle des gedingen getriuwe  
balde sezcent legent uerlih uns daz mit hilfe diner erliuhtte wir megen dih  
gedihticliche muote mit luterem minnen
- 146,1 lobet den herren wande er . s . ist guot der salme gote unserem si ein frolih  
unde ein zierlih lobunge
- 146,2 zimbrenter die fride sihtigen burch der herro die zefuorunge sines liutes  
gesamenet er
- 146,3 Der der heilet die uernozenen in dem hercen unde zuo bintet die  
uermuskunge ire .
- 146,4 Der der zelet die menige dere sternun unde allen in namen nennenter
- 146,5 Michil s . ist herro unser unde michil tugent . chraft sin unde wihstuomes  
sines nihne ist zale .
- 146,6 Enphahenter die memmintigen der herro diemuotigenter aue die suntaere  
unze zuo der erde
- 146,7 Vore singet deme herren in dere urgihthe salmrottet gote unserem an dere  
harphen
- 146,8 Der der bedechit den himil mit den wolchen unde garwet der erde den  
regen . Der der fure leittet an den bergen daz howe unde chrut deme dienste  
dere liute
- 146,9 Der der gibit den uihen ezzen ire unde den iungiden dere raben ane  
ruoffenten inen .
- 146,10 Niht an dere sterche des hrosses willen habet er . noh in den hosten des  
mannes wollichent . wisit ime
- 146,11 Wolelichent ist dem herren uber die furhtenten in unde an den die der  
gewartent uf barmherce siner
- 147,12 lobe o fridegesiuniu burch den herren lobe got dinen o du warte
- 147,13 Wande er gesterchet hat die grintele burgetorre diner er hat gesegenet  
chinden dinen in dir
- 147,14 Der der gesezcet hat gemerche . ente diniu fride unde mit dem spinte des  
weizces sattet er dih
- 147,15 Der der uz lazzet gespraechen sin der erde snelliclichen ilet . loufet rede sin  
. oder des .
- 147,16 Der der gibit den sne also die wolle den nebel also den ascken er sprengit
- 147,17 Er sentet christallen sine also die sniten uore dem antluzce frostes sines wer  
enthabet sih . erlidet
- 147,18 Er uz lazzet wort sin unde flozcet sie blaset geist . atem sin unde fliezzent  
diu wazzer
- 147,19 Der der chundet wort sin deme ringare rehte unde urteile . gerihte siniu  
dem got sehenten man
- 147,20 Nihne tet er sameliche allere diete unde urteile siniu nihne offenete . hat  
er geoffenet in